




ՀՈԳԵՎՈՐ ԺԵՄԱՐԱՆՈՒՄ

ԳՐԱԿԱՆ ՎԵՐՋԻՆ ՀԱՎԱՔՈՒՅԹԸ

Ուսումնական թուրիս պլանական վերջին հավաքույթ-բանախոսությունը տեղի ունեցավ մայիսի 30-ին Վեհափառ Հայրապետի բարձր նախագահությամբ: Ներկա էին Մայր Աթոսի միաբանները, աշխատավորները, ձեմարանի ուսուցիչները և ուսանողները:

Օրվա բանախոսն էր հոգևոր: Տ. Պարպե արևիկա Գեորգյանը, որը պատմեց իր արտասահմանյան տպավորությունները, նկարագրեց Ամենայն Հայոց Հայրապետին ցույց տրված սիրալիր ընդունելությունը Մոսկվայում, Ֆրանսիայում, Լիբանանում, եգիպտոսում, Իտալիայում, Անգլիայում:

Հավաքույթի վերջում Վեհափառ Հայրապետը դեղեցիկ խրատներով քաջալերեց ձեմարանի ուսանողներին:

ՏԱՐԵՎԵՐՋԻ ՔՆՆՈՒԹՅՈՒՆՆԵՐԸ

Հոգևոր ձեմարանի 1955—1956 ուսումնական տարեշրջանի վերջին քննությունները տեղի ունեցան մայիսի 21-ից մինչև հունիսի 5-ը: Քննություններին ներկա գտնվեցին Վեհափառ Հայրապետը, Գերագույն Հոգևոր Խորհրդի անդամները, արևիկաները, վերատեսուչն ու դասատուները: Քննությունների արդյունքները զոհացուցիչ են:

ՈՒՍԱՆՈՂԱԿԱՆ ԱՐՇԱՎ

Հաջող քննություններից հետո կազմակերպված ուսանողական արշավի ընթացքում

Էջմիածին—Սևան Հանապարհի վրա ձեմարանի ուսանողներն ուսումնասիրեցին Հրազդանի նորակառույց մեծ կամուրջը Միծեռնակարեղի մոտ, Արզնի համբավավոր ամառանոցի հանգստավայրերն ու հանրային ջրերը, Ծաղկաձորում Կեչառիսի բաղնիքի վանքերը, որոնք նորոգվում են այժմ և Սևանա լիճը, կղզին և նրա հուշարձաններն (Առաքելոց եկեղեցին) ու բուժավայրերը:

ՏԱՐԵՎԵՐՋԱՆԻ ՓԱՆՈՒՄ

Հոգևոր ձեմարանի 1955—1956 ուսումնական տարեշրջանի փակվեց հունիսի 8-ին այժուր պատշաճի հանդեսով, որին նախագահեց Տ. Վարդան եպիսկոպոսը:

Նախագահ սրբազանի, վերատեսուչ պ. Մարտիրոս Տեր-Ստեփանյանի և ուսուցիչ պ. Ա. Նազարյանի խրատականները լսելուց հետո, ուսանողները վերատեսչի առաջնորդությամբ ներկայացան Վեհափառ Հայրապետին և ստացան նորին Ս. Օծություն օրհնությունը:

Վեհափառ Հայրապետի հրամանով և Գերագույն Հոգևոր Խորհրդի որոշմամբ կարգադրություններ են արված առաջիկա 1956—1957 կրթաշրջանի համար Հոգևոր ձեմարանում նոր ուսանողներ ընդունելու մասին Մայր Հայրենիքից և արտասահմանից: Նախատեսվում է հետզհետե կազմակերպվելիք վեց դասարաններում ուսանողների թիվը բարձրացնել 100-ի:

